

慨然以合修倡议族众踴躍决议前五世合修之六世以下分修之是合而分也各房谱成帙互相兑换是又分而合矣其间委曲周详议决妥当者则我族长寿泉之力居多今值四修联宗合族议如其旧欧式兼柳其牒告竣惠不敏略赘数语以叙其事不以分而不合者示后起以可疑而以合而不分者示后起以可信耳

民国五年丙辰秋月

十六世嗣孙居惠意庄氏撰

五修重录

六修再录

四修谱序四

谱所以徵信也今之世门户之见重而谱牒之风遂因之大坏无论阀阅之家微贱之族动辄攀援华胄诩诩以自豪曰某相国吾祖也某天潢吾宗也某公父子吾叔祖伯父行也寡廉鲜耻将不免郭蔡貽讥诬世系而不自知吁其亦古今通病也哉若我姓宁忍出此考之古姬姓唐叔虞裔孙韩王安遭秦难子孙分散江淮後遂以韩为何此何姓所权輿欤虽历汉晋迄元明国谱散佚家乘缺

如而数千年间支分派衍莫可究诘数典者病之然代有
闻人史不绝书如我始祖 元善公教授宝庆继往开来
殆有旷世相感者焉当洪武初迁自江淮宦籍於斯聚氏
族於斯非明证而何果尔前清一代前后三修自应递加
详密不昧渊源何诸族长沿老墨谱始祖断自 元善仅
仅上追五世而以上从不肯附会片辞盖续断危疑之际
难言之矣故仍之今乃大书而特书曰系於韩若无疑義
不且骇人听闻耶而要不然载籍輿地两相脗合用是不
辞狂諄为补前人所未及以誌我姓之所自出云如谓独
抒臆见诬 我先祖欺我后昆则吾岂敢则吾岂敢

民国五年丙辰秋月

十九世嗣孙兆崖子舟氏撰

五修重录

六修又录